

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/62, 06.05.2020թ.

Բողոք բերող անձ՝ «ՊՍՏՈ» ՍՊԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ԲՄԱՊՁԲ-20/8» բաց մրցույթ

Գնման առարկան՝ Թուջե արգելափակոցների ձեռքբերում և տեղադրում:

Բողոքի պահանջը՝

1. Վերացնել «ԵՔ-ԲՄԱՊՁԲ-20/8» ծածկագրով ընթացակարգի հանձնաժողովի 20.04.2020 թվականի թիվ 4 արձանագրությամբ «ՆԻԿՈԼ ԴՈՒՄԱՆ» ԱԿ-ին 2-րդ չափաբաժնի մասով ընտրված մասնակից ճանաչելու որոշումը,

2. պարտավորեցնել «ԵՔ-ԲՄԱՊՁԲ-20/8» ծածկագրով ընթացակարգի հանձնաժողովին՝ «ՆԻԿՈԼ ԴՈՒՄԱՆ» ԱԿ-ի 2-րդ չափաբաժնի մասով ներկայացված հայտը համարել հրավերի պահանջներին անհամապատասխան, գնահատել ամբավարար և մերժել,

3. պարտավորեցնել «ԵՔ-ԲՄԱՊՁԲ-20/8» ծածկագրով ընթացակարգի հանձնաժողովին՝ 2-րդ չափաբաժնի մասով ընտրված մասնակից ճանաչել «ՊՍՏՈ» ՍՊԸ-ին 38.0 մլն ՀՀ դրամ գնային առաջարկով:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոք բերող՝ «ՊՍՏՈ» ՍՊԸ
պետական գրանցման համարը՝ 271.110.1040433
ՀՎՀՀ՝ 012855811
հասցե՝ ՀՀ ք. Երևան Էստոնական փողոց 9 շ. 28 բն.
տնօրեն՝ Սևակ Հովհաննիսյան
ն/ք՝ 000332957, տրված 19.06.2013թ. 012-ի կողմից
հասցե՝ ՀՀ քաղաք Երևան Էստոնական փողոց 9 շենք 28 բնակարան
ներկայացուցիչ փաստաբան՝ Հակոբ Քոյլոյան
փաստաբանական գործունեության արտոնագիր թիվ 2707
հասցե՝ ՀՀ ք. Երևան Դավթաշեն 4-րդ թաղամաս 11 շենք 7 բնակարան
հեռ՝ 099997665, 099033539
էլ. փոստ՝ hayk_khazaryan@mail.ru

Պատվիրատու՝ Երևանի քաղաքապետարան
հասցե՝ ՀՀ ք. Երևան Արգիշտի 1

գնման ընթացակարգի ծածկագիրը և առարկան՝
Երևանի քաղաքապետարանի կարիքների համար
«թուջե արգելափակոցների ձեռքբերում և տեղադրում»
ձեռքբերման նպատակով հայտարարված թիվ
«ԵՔ-ԲՄԱՊՁԲ-20/8» գնման ընթացակարգ

ԲՈՂՈՔ

1. Բողոքի քննության համար էական նշանակություն ունեցող փաստական հանգամանքները.

- 1.1. Երևանի քաղաքապետարանը (այսուհետ՝ Պատվիրատու) 28.02.2020 թվականին հայտարարել է թիվ «ԵՔ-ԲՄԱՊՁԲ-20/8» ծածկագրով գնման ընթացակարգ (այսուհետ նաև Ընթացակարգ), իր կարիքների համար՝ «թուջե արգելափակոցների ձեռքբերում և տեղադրում» ձեռքբերման նպատակով, երկու չափաբաժնով: Հիմք՝ Երևանի քաղաքապետարանի կարիքների համար՝ «թուջե արգելափակոցների ձեռքբերում և տեղադրում» ձեռքբերման նպատակով թիվ «ԵՔ-ԲՄԱՊՁԲ-20/8» ծածկագրով բաց մրցույթի 28.02.2020 թվականի հայտարարությունը:
- 1.2. Ընթացակարգի գնահատող հանձնաժողովը (այսուհետ՝ Հանձնաժողով) հայտերի բացման և գնահատման 09.04.2020 թվականի նիստում նշել է, որ մասնակիցների կողմից ներկայացված յուրաքանչյուր բացված հայտում պահանջվող փաստաթղթերը առկա են: Սակայն մասնակիցների ներկայացրած որոշ անհամապատասխանությունների հիմքով որոշեց կասեցնել հայտերի բացման և

գնահատման նիստը մասնակիցներին հնարավորություն տալով շտկել առկա անհամապատասխանությունները: Հիմք՝ Հանձնաժողովի 09.04.2020 թվականի թիվ 2 արձանագրություն:

- 1.3. 13.04.2020 թվականի հրավիրված նիստում Հանձնաժողովը արձանագրելով մասնակիցների կողմից անհամապատասխանությունների շտկման փաստը, որոշեց 20.04.2020 թվականին հրավիրել միաժամանակյա բանակցություններ: Հիմք՝ Հանձնաժողովի 13.04.2020 թվականի թիվ 3 արձանագրություն:
- 1.4. 20.04.2020 թվականին հրավիրված միաժամանակյա բանակցությունների արդյունքում 1-ին չափաբաժնի մասով գները չեն նվազեցվել: 2-րդ չափաբաժնի մասով գների նվազեցում է կատարվել միայն «ՊՍՏՈ» ՍՊ ընկերության և «ՆԻԿՈԼ ԴՈՒՄԱՆ» ԱԿ կողմից: Հիմք՝ Հանձնաժողովի 20.04.2020 թվականի թիվ 4 արձանագրություն:
- 1.5. «ՆԻԿՈԼ ԴՈՒՄԱՆ» ԱԿ կողմից միաժամանակյա բանակցությունների ընթացքում կատարված գնային առաջարկի արդյունքում կատարվել է ինքնարժեքի նվազեցում 2-րդ չափաբաժնի մասով՝ 34.4 միլ. ՀՀ դրամի փոխարեն առաջարկելով 31.5 մլն. ՀՀ դրամ: Հիմք՝ պայմանագիր կնքելու մասին որոշման հայտարարությունը և «ՆԻԿՈԼ ԴՈՒՄԱՆ» ԱԿ կողմից 07.04.2020 թվականին ներկայացված գնային առաջարկը:

2. Բողոքի փաստական և հրավական հիմնավորումները.

Գնումների մասին ՀՀ օրենքի 28-րդ հոդվածի 1-ին մասի 10-րդ կետի համաձայն՝ հրավերը պետք է պարունակի նշում այն մասին, որ առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով:

Նույն օրենքի 30-րդ հոդվածի 1-ին մասի 2-րդ կետի համաձայն՝ մասնակիցը չի կարող նույն ընթացակարգին ներկայացնել մեկից ավելի հայտ: Մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած գնային առաջարկը:

Նույն օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Գնումների գործընթացի կազմակերպման կարգի 32-րդ կետի 2-րդ ենթակետի համաձայն՝ մասնակիցը գնային առաջարկը ներկայացնում է ինքնարժեք, շահույթ և

ավելացված արժեքի հարկ ընդհանրական բաղադրիչներից բաղկացած հաշվարկի ձևով:
(...):

Գնումների գործընթացի կազմակերպման կարգի 40-րդ կետի 5-ի ա ենթակետի համաձայն՝ ընտրված և հաջորդաբար տեղեր զբաղեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցների հետ վարվում են միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները): Նույն կետի 5-ի գ ենթակետի համաձայն՝ բանակցությունների համար սահմանված վերջնաժամկետը լրանալու պահին, եթե դրան ներկա մասնակիցների ներկայացրած գները գերազանցում են գնման հայտով սահմանված գինը, ապա գնահատող հանձնաժողովը կարող է բանակցությունների արդյունքում ցածր գնային առաջարկ ներկայացրած մասնակցին հայտարարել ընտրված մասնակից՝ պայմանով, որ՝

- միևնույն գնման առարկայի բնութագրերով տվյալ օրացուցային տարում արդեն իսկ կազմակերպվել է առնվազն մեկ գնման մրցակցային ընթացակարգ, որը չկայացած է հայտարարվել մասնակիցների ներկայացրած գները գնման հայտով սահմանված գինը գերազանցելու հիմքով պայմանավորված:

- ընտրված մասնակցի հետ կնքվող պայմանագրով նախատեսված կողմերի իրավունքներն ու պարտականություններն ուժի մեջ են մտնում գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքելու դեպքում: Ընդ որում համաձայնագիրը կնքվում է լրացուցիչ ֆինանսական միջոցները նախատեսվելուն հաջորդող երեք աշխատանքային օրվա ընթացքում՝ ապրանքի մատակարարման, աշխատանքի կատարման կամ ծառայության մատուցման ժամկետները երկարաձգելով պայմանագրի կնքման օրվանից մինչև համաձայնագրի կնքման օրն ընկած ժամանակահատվածով: Սույն պարբերության համաձայն կնքված պայմանագիրը լուծվում է, եթե կնքելուն հաջորդող երեսուն օրացուցային օրվա ընթացքում լրացուցիչ ֆինանսական միջոցներ չեն նախատեսվում:

Ընթացակարգի հրավեր 5.1. կետի համաձայն՝ առաջարկվող գինը ապրանքի արժեքից բացի ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով համակարգի միջոցով:

Վերոհիշյալ իրավական նորմերի վերլուծության արդյունքում պետք է փաստել հետևյալը, որ մասնակիցների կողմից նույն ընթացակարգի շրջանակում չի կարող ներկայացնել մեկից ավելի հայտ, իսկ հայտում պետք է ներառվի նաև մասնակցի հաստատած գնային հայտը: Մասնակիցների կողմից ներկայացրած գնային առաջարկները պարտադիր պետք է ներկայացվեն ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Այն դեպքերում երբ հրավիրվում են բանակցություններ մասնակիցները կարող են կատարել

գնային առաջարկների նվազեցում, սակայն ոչ պակաս ներկայացված ինքնարժեքից, հակառակ դեպքում հայտ գնահատվում է հրավերի պայմաններին անհամապատասխան՝ անբավարար և մերժվում է:

Սույն դեպքում Պատվիրատուի կողմից 20.04.2020 թվականին հրավիրված բանակցությունների արդյունքում մասնակիցներից «ՆԻԿՈԼ ԴՈՒՄԱՆ» ԱԿ իր կողմից 07.04.2020 թվականին ներկայացրած գնային առաջարկը Ընթացակարգի 2-րդ չափաբաժնի մասով նվազեցվել է ինքնարժեքից, որը նշված է եղել 34.4 մլն. ՀՀ դրամ սակայն նվազեցման արդյունքում այն փոփոխվել և առաջարկվել է 31.5 մլն. ՀՀ դրամ, արդյունքում փաստացի կատարելով ինքնարժեքի նվազեցում: Սույն դեպքում Հանձնաժողովի կողմից պետք է կայացվեր՝ «ՆԻԿՈԼ ԴՈՒՄԱՆ» ԱԿ կողմից ներկայացված հայտը հրավերի պայմաններին անհամապատասխան գնահատելու որոշում և մերժվեր, որի արդյունքում Ընթացակարգի 2-րդ չափաբաժնի մասով հաղթող կճանաչվեր «ՊՍՏՈ» ՍՊ ընկերությունը 38.0 մլն ՀՀ դրամ գնային առաջարկով: Հանձնաժողովի վերոհիշյալ ոչ իրավաչափ գործողությունների արդյունքում խախտվել են «ՊՍՏՈ» ՍՊ ընկերության շահերը, ոտնահարելով Գնումների մասին ՀՀ օրենքի 3-րդ հոդվածով սահմանված գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման սկզբունքները:

3. Բողոքի պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածներով.

Խնդրում եմ

1. վերացնել «ԵԲ-ԲՄԱՊՁԲ-20/8» ծածկագրով ընթացակարգի հանձնաժողովի 20.04.2020 թվականի թիվ 4 արձանագրությամբ «ՆԻԿՈԼ ԴՈՒՄԱՆ» ԱԿ-ին 2-րդ չափաբաժնի մասով ընտրված մասնակից ճանաչելու որոշումը,
2. պարտավորեցնել «ԵԲ-ԲՄԱՊՁԲ-20/8» ծածկագրով ընթացակարգի հանձնաժողովին՝ «ՆԻԿՈԼ ԴՈՒՄԱՆ» ԱԿ-ի 2-րդ չափաբաժնի մասով ներկայացված հայտը համարել հրավերի պահանջներին անհամապատասխան, գնահատել անբավարար և մերժել,
3. պարտավորեցնել «ԵԲ-ԲՄԱՊՁԲ-20/8» ծածկագրով ընթացակարգի հանձնաժողովին՝ 2-րդ չափաբաժնի մասով ընտրված մասնակից ճանաչել «ՊՍՏՈ» ՍՊ ընկերությանը 38.0 մլն ՀՀ դրամ գնային առաջարկով:

Կից ներկայացվում է՝

1. «ՊՍՏՈ» ՍՊԸ վերաբերյալ պետական միասնական գրանցամատյանի քաղվածքի պատճենը,
 2. «ՊՍՏՈ» ՍՊԸ տնօրենի նույնականացման քարտի պատճենը,
 3. լիազորագիրը,
 4. նույնականացման քարտիս պատճենը,
 5. փաստաբանական գործունեության արտոնագրիս պատճենը,
 6. Հայկ Ղազարյանի նույնականացման քարտի պատճենը,
 7. թիվ «ԵՔ-ԲՄԱՊՁԲ-20/8» ծածկագրով գնման ընթացակարգի հանձնաժողովի 09.04.2020 թվականի թիվ 2 արձանագրության պատճենը,
 8. թիվ «ԵՔ-ԲՄԱՊՁԲ-20/8» ծածկագրով գնման ընթացակարգի հանձնաժողովի 13.04.2020 թվականի թիվ 3 արձանագրության պատճենը,
 9. թիվ «ԵՔ-ԲՄԱՊՁԲ-20/8» ծածկագրով գնման ընթացակարգի հանձնաժողովի 20.04.2020 թվականի թիվ 4 արձանագրության պատճենը,
 10. «ՆԻԿՈԼ ԴՈՒՄԱՆ» ԱԿ կողմից 07.04.2020 թվականին ներկայացված գնային առաջարկը,
 11. բողոքի օրինակը պատվիրատուին ուղարկելու փաստը հավաստող ապացույց,
 12. բողոքարկման համար սահմանված վճարի անդորրագիրը:
- 30.04.2020թ.

Հարգանքով՝

«ՊՍՏՈ» ՍՊԸ ներկայացուցիչ Հակոբ Քոչոյան

